

傷寒論證辨卷上

唯在少陽六世醫書

古歙鄭重光在辛甫編輯

男鄭鍾蔚又文甫較閱

同里許華生西岑甫授梓

傷寒大法

經曰冬令嚴寒萬類閉藏君子固密則不傷於寒故觸冒之者乃名傷寒耳然三時暴寒所傷不必盡屬隆冬以證脉顯見如經亦得以傷寒治之但不似嚴冬必須麻黃湯也其傳經治法與冬時不



新安鄭在辛輯

傷寒論證辨

廣陵勁堂藏板



叙

大
大

香
六

鄭素圃先生以醫名世幾五十年遠近公卿大夫
延領恐後國中託命者奔走闐咽其門日不暇給
所診治見病知源不淆疑似以故知人死生無或
失之廣陵巨室病不一醫醫不一論先生有定見
排羣議不少阿刀圭所投往往獲奇效異議者咸
歛手服用是名益高道益廣先生益苦博濟不暇
云年近八旬丰神矍鑠視聽不衰卜宅鑾江之濱
爲退休地謝絕酬應一二素心密契外罕如所請



謂安有八十老人猶忘軀狗物無少休者緣督葆
真之謂何暇則扃戶著書取生平所得力于仲景
者原文以經之裁斷以緯之又會通前哲辨晰詳
盡刪蕪去駁彙成卷冊以詔後之學者蓋病之劇
莫劇于傷寒治病之難亦莫難于傷寒表裏寒熱
脈證傳變莫殫厥蘊呼吸間生人卽化爲異物必
傷寒明而神明以盡其用庶幾不致輕人之死生
而一諉諸于其命故先是有傷寒論條辨續註若
于卷溫疫論補註若干卷喬姑岳世臣諸公爲之

梓旋有醫案若干卷家君偕同志序而梓之今傷
寒論證辨一書小子不揣欲敬爲先生襄其役余
家與先生里巷相接先生旣屏謝一切不時枉過
憶戊子冬先生視余色曰子病矣余弗覺也叨
語如前且曰弗藥病且深時家君人事旁午余亦
憚于瞑眩唯唯而已先生憂之甚歸諭門者曰許
使相招雖深夜必以聞先生秉燭坐久之不至甫
就枕聞風擊戶聲遽驚起蓋先生之篤念余也至
矣越明日病果大作昏憤不知人絕去者再急告


先生先生至家君徬徨曰孺子不蚤聽長者言今
奈何先生察脈曰幸勿憂然稍稍舛誤卽弗治遂
坐臥榻前而藥之凡數日乃已真不啻奪予于夜
臺而復起也於是家君具金幣爲先生壽先生曰
蚤從事焉不至此予豈圖利之哉堅卻勿受後已
丑復病庚寅又大病皆先生活余顧余以病得親
先生又以善病得併竊觀先生所著書而深歎先
生操術之不苟也條辨未已也又詳證辨謂條辨
分經立法而證辨就證分經不精條辨不知生人

藏府血脈之故不得形證所由來不詳證辨不能
因證辨經而不迷于所治旣因端以見委復卽流
而窮源人第知先生數十年來聲望赫然洞察死
生不淆羣議亦知先生之于證分更分漏辨之不
遺餘力有如此哉先生洵仲景之功臣而永壽生
民于後世者其功爲莫可紀極矣書成不可無序
余間考何休杜預之傳經馬遷班固之作史以至
劉向叙錄諸書悉皆自序卽仲景原書序亦自撰
後之藉手他人則自皇甫謐之序三都始念小子

惛然無知能病而已文何有焉其敢序先生之書
乎哉惟幸賴先生嘘枯起瘠恨不能從事于此或
稍稍謹疾以無貽父母憂皆沐先生之澤也用是
忘其固陋憑臆而識之以漫附于不朽稟命家君
家君欣然趣余亟成之至書之津梁後學詳先生
自序中余其敢序先生之書乎哉康熙壬辰秋八
月朔同里晚學許華西岑氏拜撰



傷寒論證辨自序



丁巳年

乙酉之役余嘗續註仲景傷寒論條辨夫仲景於醫是爲先聖後來賢哲卒未易入其堂與顧余不慚謏陋僭爲續註庶幾畧窺藩籬何敢謂測其津涯夫獨念傷寒之爲病關係民命生死呼吸誠重之也誠慎之也年來耄衰倦於勤一二素相崇信心知外無所酬應而許子西岑乃復有證辨之請甚矣君之用心之仁也傷寒之證之辨莫懸絕於表裏寒熱乃一病而更數醫則或攻或發或議辛




溫或主苦寒不消詳形證所宜而譁於議藥揀論
固人人殊焉夫陰陽寒熱非兩在也臨病之家非
專工也就令採擇兩端已祇倖其半得况或調停
偏黨舛誤遷延其天枉可勝言哉夫肱且九折臨
治驗證瞭於指掌可以無爭卽有一二妄議而形
證之大較了然別白亦可以從違得當而多所全
活然則傷寒之證之辨蓋不可以已也仲景原文
有法有方語其精則微言奧義語其至則大法宏
綱使學者沉潛反覆原始要終叅互考驗研精其



不傳之意而神而明之以盡其用且不獨可以治
傷寒而以治傷寒自萬舉萬當然而因證檢書倉
卒求治者弗便也蓋原文分經立法則形證互隱
於六經之中而證辨就證分經則病情各詳於本
證之內治傷寒先治六經則原生人藏府血脈之
故而得形證所由來固已見微知著而精於證辨
亦庶幾乎因證辨經而不迷於所治前輩李氏士
材舊有成書然名曰括要約而不詳雖採錄仲景
經文槩有節畧至於他家或沓冗掛漏或不守仲

景成法夫沓複浩繁則不便於檢閱支離偏駁不
遵傷寒成法則禍當世而戕生命而遺失缺誤則
亦不適於用皆有所不可者今余所輯悉採李氏
所編至各證引用仲景書備錄原文不敢妄肆割
截而更博採晉唐宋元近代諸前哲分見錯出之
條以補其未備正行大字皆屬原文雙行小註有
間附裁斷者要皆會通諸家不敢臆說彙證標目
莫便檢者各證條下分經辨治括證務詳辨治務
晰方彙後卷使夫士大夫家藏一編可以臨治辨

證較若列眉不致汨於衆說失所從違而窮鄉僻壤之中有日不見仲景書者亦可以按證檢方恰合仲景成法多所全活始事於庚寅季秋卒業於辛卯孟冬非捷也一朝而發之則其平生之所泥浸包孕固已久矣抑余所謂先治六經却詳證辨者也故尤便也編旣成許子西岑讀而善之曰是能生夫死人夫扁鵲有言鵲非能生死人也特使夫當生者活耳而况愚哉抑傷寒者余所慎重君之志行是書也使夫學者由余所輯以遡仲景之



傳集詩話新片
門墻而登其堂而躋其巒而推其餘澤以壽斯世
其諸實徼君之賜也夫

康熙五十年歲次辛卯仲冬月新安素圃老人鄭
重光在辛甫識



傷寒論證辨卷上目錄

傷寒大法

辨傷寒傳變

辨傷寒十六證

辨類傷寒六證

辨內傷外感

辨傷寒陰陽寒熱

辨傷寒虛實

辨太陽病脉似少陰少陰脉病似太陽

厥陰頭痛附

辨陽厥陰厥 十一

辨從證不從脉 十二

辨從脉不從證

辨傷寒脉浮可下脉沉可汗 十三

傷寒論證辨 卷上目錄



辨身熱惡寒身寒惡熱

辨表熱裏寒表寒裏熱 十四

辨熱多寒少 辨傷寒誤認證名 十五

辨傷寒問因察證定名 十六

辨傷寒陽證似陰 辨傷寒陰證似陽 十七

辨傷寒傳足不傳手

視傷寒宜詳 腎虛易犯傷寒論

傷寒無補法辨 辨足太陽經證治

辨足陽明經證治 辨足少陽經證治 十八



辨足太陰經證治

辨足少陰經證治

辨足厥陰經證治

辨合病證治

辨併病證治

辨合病併病證治

辨兩感傷寒

辨卒中寒證

辨風溫證治

辨冬溫溫毒證治

辨溫瘧證治

辨溫病證治

辨熱病證治

辨溫疫證治

辨濕溫證治

辨寒濕證治

辨風濕證治

辨瘧病證治

